



Reglamentu di subsidio Praktijkleren Hulanda Karibense

Bo ta un komersiante ku ke ofresé un lugá kaminda un persona por kue práktika òf un lugá kaminda e por siña trahando, pa e por ta mihó prepará pa e merkado laboral? E reglamentu di subsidio Praktijkleren ta un kontribushon finansiero pa e gastunan ku empresarionan ta hasi pa guia un alumno of estudiante. For di e aña eskolar 2025/2026 e reglamentu di subsidio tambe lo ta disponibel pa empresarionan na Boneiru.

Haltura finansiamentu i periodo di aplikashon

Fecha inisial: Djamars promé di sèptèmber 2026, 9 or di mainta

Fecha final: Djaweps 17 di sèptèmber 2026, 5 or di atardi


Informashon adishonal

Bo por haña un máximo di € 2.700,- pa kada lugá di práktika òf un lugá kaminda e persona ta siña trahando. Pago di e subsidio ta na dòler merikano (US\$). E valuta i e montante di subsidio den dólar Merikano (US\$) lo ta determiná tur aña riba 1 di yanüari.

Ministerio di Edukashon, Kultura i Siensia (OCW) ta investigá si e reglamentu di subsidio tambe lo por ta disponibel pa komersiantenan na Sint-Eustatius i Saba. Na momentu ku tin mas informashon di esaki e informashon lo wòrdu hasí disponibel riba e página aki.

Liña di tempu di reglamentu di subsidio Praktijkleren

E liña di tempu presentá aki bou ta duna un indikashon general di e proseso di e reglamentu subsidio pa Boneiru.



Kondishonnan

Komo komersiante bo por kualifiká pa subsidio si bo ta kumpli ku e siguiente kondishonnan:

- Bo ta un empresa di formashon rekonosé na Boneiru, i bo ta ofresé un lugá di stazje òf di entrenamentu práktiko.
- Bo ta duna guia na:
 - un estudiante di mbo, ku e parti práktiko (formashon profeshonal práktiko - bpv) ku ta inskribí serka un instituto di enseñansa na Boneiru i ta sigui un estudio den e direkshon edukativo di guia profeshonal (bbl);
 - un alumno di vo (enseñansa sekundario) ku ta sigui edukashon práktiko (praktijkonderwijs) i ta kore stazje den e último aña eskolar;
 - un alumno ku den vmbo ta sigui un entrenamentu profeshonal básiko organisá komo un trayekto di siña i traha, òf un estudio introdùktorio.
- Bo ta kumpli ku e kondishonnan pa e lugá di entrenamentu práktiko.
- Bo ta kumpli ku e kondishonnan atministrativo (lo bo mester prepará esaki pronto komo parti di bo aplikashon).

Kondishonnan pa un lugá di práktika

- *Mínimo di ora*
E parti práktiko na bo negoshi of organisashon mester inklui mínimo 610 ora (klokuren) pa kada aña eskolar. Pa edukashon práktiko (praktijkonderwijs) i vmbo e mínimo ta 640 ora (klokuren) pa kada aña eskolar. E periodo di e aña eskolar ta kuminsá 1 di ògùstus i ta kaba 31 di yuli. Si e periodo di práktika ta mas kòrtiko, e orario mínimo lo wòrdu kalkulá proporsjonalmente.
- *Presensia di e alumno òf estudiante*
Bo ta haña subsidio solamente pa e simannan ku e estudiante di vo ò mbo ta presente na bo negoshi. Nos ta kalkulá e subsidio pa siman. No ta importá kuantu ora òf kuantu dia e alumno òf estudiante ta presente pa siman, basta ku e norma di ora pa bpv den e periodo di subsidio ta kumplí.
Si un alumno òf estudiante falta un siman kompleto, por ehèmpel pa motibu di enfermedat òf fakansi, e siman(nan) aki no ta bin den remarke pa subsidio.
- *Akuerdo di stazje òf práktika*
Na kuminsamentu di e stazje òf lugá práktiko, un akuerdo mester wòrdu firmá. E akuerdo (kontrakto) aki tambe ta nesesario pa e aplikashon di subsidio. Kontrolá si e akuerdo ta kompletamente jena i firmá pa tur partido: alumno of estudiante, institushon di edukashon, empresario i ROA (Raad Onderwijs Arbeidsmarkt).

Preparashon pa aplikason

E informashon di kiko mester wòrdu hasí pa prepará bo aplikashon lo wòrdu publiká den korto tempu riba e wèpsait aki.

Bo ta apliká pa e kontribushon finansiero (subsidio) na final di un aña eskolar òf un aña di estudio práktiko, despues ku a terminá e guia di e lugá di práktika. **Bo ta entregá bo aplikashon 1 di sèptèmber 2026, 9:00 AM te ku 17 di sèptèmber 2026, 5:00 PM na Kralendijk.** E lugá i orarionan eksakto pa entregá bo aplikashon lo wòrdu publiká pronto.

Despues di bo aplikashon

Pa mas tardá ku 1 di novèmber 2026 nos lo tuma un desishon riba bo aplikashon. Si e desishon ta positivo, bo lo haña e montante di e kontribushon finansiero (subsidio) riba bo cuenta bankario pa mas tardá mei mei di novèmber 2026.

Bo ke sa mas?

- Bo tin pregunta? Manda un e-mail e ora ei pa praktijklerencn@rvo.nl.
- [Publicatie Staatscourant](#) (2 di aprel 2025)

Preguntanan frekuentemente

1. Si e studiante/alumno stòp e formashon praktikó na mi kompania pa motibu di sirkunstansianan, mi ta bin na remarke pa e subsidio ainda?

Si e studiante/alumno disidí di stòp ku e formashon praktikó (beroepspraktijkvorming) na bo kompania, tòg bo ta bini na remarke pa e subsidio. Tambe por sosode ku e studiante/alumno no ta cuadra bon ku bo kompania of ku tin otro sirkunstansianan ku ta stroba e kolaboracion di bay bon. Despues bo por disidí di stòp di supervisá e studiante/alumno aki. Despues bo por apliká ainda pa un subsidio pa e simannan ku bo a supervisá e studiante/alumno.

E subsidio ta un kompensashon pa e esfuerso ku bo ta hasi pa supervisá e studiante den práktika. E fecha final di bo aplikashon pa e subsidio ta e fecha ku e studiante/alumno a stop di traha den e BPV di bo empresa.

2. Kon mi ta hasi mi aplikashon ora e formashon profesional práktiko - bpv di e studiante/alumno ta kontinuá den un año di skol ku ta sigui?

Bo ta hasi bo aplikashon pa un subsidio pa año skolar. Esaki ta nifiká ku bo mester hasi un aplikashon promé pa e simannan ku bo a duna instrukshon di praktiká den e promé año di skol di e bpv. Despues, den e siguiente año di skol, bo ta hasi un aplikashon pa un subsidio pa e simannan ku bo a guia e studiante durante e siguiente año di skol.

3. Tin un kantidat mínimo òf máksimo di studiante di BBL pa kada kompania pa kua mi por apliká pa un subsidio?

No. Un kondishon importante ta ku den bo empresa bo tin e kapasidat pa guia e studiantenan/alumno den práktika.

4. Kon e kantidat di e subsidio ta wòrdu determiná?

E suma máksimo di e subsidio ta €2700 pa kada studiante pa año skolar, si bo a duna e studiante 40 siman di guia den práktika. Si bo a duna menos siman di guia, e suma ta kalkulá proporshonalmente. $\text{€2700} / 40 \times \text{e kantidat di simannan ku e studiante tabata presente i a duna bo guia práktiko}$.

5. Mi por hasi un aplikashon pa diferente studiante den un formulario?

Bo por añaadí vários studiante na e formulario di aplikashon. Ademas mester entregá un akuerdo di stazje òf práktika (POK) i e formulario di presensia i tarea BPV pa kada studiante.

6. Si mi empresa di enseñansa no ta aprobá pa ROA, mi por apliká ainda pa un subsidio?

No, bo empresa mester ta un empresa di enseñansa ku a risibí aprobashon i e studiante/alumno mester ta guia den praktiká dor di un maestro ku a risibí aprobashon.

7. Tin gastunan relashoná ku e prosedura di akreditashon i entrenamentu di e maestronan di ROA?

No, no tin niun kosto. ROA regularmente ta organisá un entrenamentu, pa esaki por tuma kontakto ku ROA.

8. Kompanianan ku ta usa vliegende leermeesters tambe por haña un subsidio?

Si, e kompanianan aki tambe ta bini na remarke.